

ა(ა)იპ “საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის” რექტორის

ბ რ ძ ა ნ ე ბ ა №

ასოცირებული პროფესორის აკადემიურ თანამდებობაზე ღია კონკურსის გამოცხადების თაობაზე

„უმაღლესი განათლების შესახებ“ საქართველოს კანონის 34-ე მუხლის, 35-ე მუხლის მეორე პუნქტის, ა(ა)იპ “საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის” მართვის დებულების მე-3 მუხლის პირველი პუნქტის „ი“ ქვეპუნქტის, ა(ა)იპ „საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის“ დამფუძნებლის სრულუფლებიანი წარმომადგენლის 2014 წლის 19 ივნისის №01-01/8 ბრძანებით დამტკიცებული „ა(ა)იპ „საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის“ აკადემიური თანამდებობების დასაკავებლად კონკურსის ჩატარების წესის“ მე-3 მუხლის და მე-9 მუხლის მე-2 პუნქტის, ჰუმანიტარულ მეცნიერებათა და სამართლის სკოლის დეკანის პაპუნა გურულის მოხსენებითი ბარათის (N 1/2282-2021, 14.12.2021) საფუძველზე,

ვ ბ რ ძ ა ნ ე ბ ა:

- 1.გამოცხადდეს ღია კონკურსი ა(ა)იპ “საქართველოს საპატრიარქოს წმიდა ანდრია პირველწოდებულის სახელობის ქართულ უნივერსიტეტში” ასოცირებული პროფესორის ერთ ვაკანტურ აკადემიურ თანამდებობაზე ისტორიის (წყაროთმცოდნეობა, ისტორიოგრაფია) მიმართულებით (აფილირების პირობით).
2. ამ ბრძანების დანართი N1-ით განისაზღვროს ასოცირებული პროფესორის ვაკანტური აკადემიური თანამდებობის დასაკავებლად შესაბამისი საკანონმდებლო და საუნივერსიტეტო საკონკურსო მოთხოვნები და საკონკურსოდ წარმოსადგენი დოკუმენტაციის ჩამონათვალი;
3. კონკურსის ჩატარების თარიღი, წესი და პირობები განთავსდეს ა(ა)იპ “საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის” ოფიციალურ ვებგვერდზე www.sangu.edu.ge და გამოქვეყნდეს დასაქმების ვებგვერდზე;
4. კონკურსში მონაწილეთა მიერ დოკუმენტაციის წარმოდგენის და მათი რეგისტრაციის ვადა განისაზღვროს 2022 წლის 20 და 21 იანვარს მისამართზე ქ. თბილისი, ილია ჭავჭავაძის გამზირი #53ა, საქმისწარმოებისა და ადამიანური რესურსების მართვის სამსახურში, პირველი კორპუსი (ოთახი N104), 11.00 საათიდან – 17.00 საათამდე.
5. კონკურსი ჩატარდეს (კონკურსანტთა შეფასება და გადაწყვეტილების მიღება) 2022 წლის 24 იანვრიდან 28 იანვრის ჩათვლით.
6. კონკურსის შედეგები გამოქვეყნდეს არაუგვიანეს 2022 წლის 01 თებერვლისა.
7. წინამდებარე ბრძანების მე-3 პუნქტის შესრულება დაევალოს საზოგადოებასთან და საერთაშორისო ურთიერთობების სამსახურს.

8. ბრძანების გაცნობა დაინტერესებულ პირთათვის დაევალოს საქმისწარმოებისა და ადამიანური რესურსების მართვის სამსახურს.
9. ბრძანება ძალაში შედის ხელმოწერის დღიდან.

უნივერსიტეტის რექტორი

ირაკლი ბრაჭული

ა(ა)იპ “საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის” რექტორის 2022 წლის _____ N_____ ბრძანების

დანართი N1

I. საკონკურსო ვაკანსიის მოთხოვნები:

ასოცირებული პროფესორის აკადემიური თანამდებობის დასაკავებლად ძირითადი (საკანონმდებლო) მოთხოვნები:

- ა) დოქტორის ან მასთან გათანაბრებული აკადემიური ხარისხი;
- ბ) სამეცნიერო-პედაგოგიური მუშაობის გამოცდილება: ავტორიზებული ან მასთან გათანაბრებული სტატუსის მქონე უმაღლეს საგანმანათლებლო დაწესებულებაში არანაკლებ 3 წლის მუშაობის გამოცდილება;

დამატებითი (საუნივერსიტეტო) მოთხოვნები:

- ა) სილაბუსი/სილაბუსები, რომლებიც ფასდება მისი შინაარსის, სწავლის შედეგებისა და მათი მიღწევის მეთოდების ადეკვატურობით;
- ბ) სამეცნიერო ნაშრომები შესაბამისი მიმართულებით გამოქვეყნებული ბოლო 5 წლის განმავლობაში;
- გ) სამეცნიერო კონფერენციებსა და პროფესიული განვითარების ღონისძიებებში მონაწილეობა ბოლო 5 წლის განმავლობაში;
- დ) სამეცნიერო სტიპენდიები ან/და გრანტები, ან/და სხვა პროფესიული აქტივობები ბოლო 5 წლის განმავლობაში.

ასოცირებული პროფესორისთვის განსაზღვრული დამატებითი (სპეციფიკური) მოთხოვნები:

- ა) კონკურსანტს განხორციელებული უნდა ჰქონდეს კვლევა წყაროთმცოდნეობისა და ისტორიოგრაფიის მიმართულებით.
- ბ) კონკურსანტს უნდა შეემდოს შემდეგი სასწავლო კურსების წაკითხვა და წარმოდგინოს სილაბუსები შემდეგ სასწავლო კურსებში:
საქართველოს ძველი ისტორია, საქართველოს შუა საუკუნეების ისტორია, საისტორიო აზროვნების განვითარება და კვლევა, კვლევის მეთოდები ისტორიულ მეცნიერებაში.
- გ) კონკურსანტს უნდა ჰქონდეს სამეცნიერო-საგრანტო პროექტებში ჩართულობის გამოცდილება.

II. საკონკურსოდ წარმოსადგენი დოკუმენტაცია:

1. კონკურსში მონაწილეობის მსურველი ვალდებულია საბუთების წარმოდგენის ეტაპზე კომისიას წარმოუდგინოს შემდეგი დოკუმენტაცია:

- 1.1. შევსებული განცხადება საკონკურსო კომისიის სახელზე (ფორმა განთავსებულია ვებგვერდზე sangu.edu.ge); ავტობიოგრაფია (CV, ელექტრონული და ბეჭდვითი ფორმით);

- 1.2. შევსებული კონკურსანტის ანკეტა ელექტრონულ ვერსიასთან (დისკი ან მეხსიერების ბარათი) ერთად (შესავსები ფორმა განთავსებულია ვებგვერდზე sangu.edu.ge)
- 1.3. პირადობის დამადასტურებელი მოწმობის ასლი;
- 1.4. ერთი ფოტოსურათი, ზომით 3×4;
- 1.5. ავტორიზებული ან მასთან გათანაბრებული სტატუსის მქონე უმაღლეს საგანმანათლებლო დაწესებულებაში სამეცნიერო-პედაგოგიური მუშაობის დამადასტურებელი დოკუმენტი;
- 1.6. ინფორმაცია ბოლო 5 წლის განმავლობაში გამოქვეყნებული საკონკურსო თანამდებობის/ დარგისათვის ადეკვატური სამეცნიერო ნაშრომების შესახებ (ავტორის შეხედულებით), სამეცნიერო ნაშრომის დართვით, რომელიც ყველაზე უკეთ წარმოაჩენს მის სამეცნიერო საქმიანობას;
- 1.7. კონკურსანტის მიერ შედგენილი დარგის შესაბამისი სასწავლო კურსის/კურსების სილაბუსი/სილაბუსები (ელექტრონული და ბეჭდვითი ფორმით);
- 1.8. დოქტორის ხარისხის მინიჭების დამადასტურებელი დოკუმენტის/დოკუმენტების ასლები ნოტარიულად დამოწმებული;
- 1.9. ბოლო ხუთი წლის განმავლობაში სამეცნიერო სტიპენდიების, ან/და ა გრანტების, ან/და სხვა პროფესიული აქტივობების დამადასტურებელი ინფორმაცია;
- 1.10. ბოლო ხუთი წლის განმავლობაში სამეცნიერო კონფერენციებსა და პროფესიული განვითარების ღონისძიებებში მონაწილეობის დამადასტურებელი ინფორმაცია.
- 1.11. დამატებითი (სპეციფიკური) მოთხოვნების შესაბამისი დამადასტურებელი დოკუმენტაცია.
- 1.12. უცხოეთში მიღებული განათლების/კვალიფიკაციის დამადასტურებელ დოკუმენტებს (ასეთის არსებობის შემთხვევაში) თან უნდა ახლდეს ნოტარიულად დამოწმებული ქართულენოვანი თარგმანი და სსიპ განათლების ხარისხის განვითარების ეროვნული ცენტრის მიერ გაცემული უცხოეთში მიღებული განათლების აღიარების დოკუმენტი.
- 1.13. ცნობა უფლების ჩამორთმევის შესახებ.

იხილეთ აფილირების წესი: ა(ა)იპ “საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის” ოფიციალურ ელექტრონულ გვერდზე www.sangu.edu.ge

უნივერსიტეტის რექტორი

ირაკლი ბრაჭული